

- cher von euch ist auffgenommen gen Himel, wird komen wie jr jn gesehen
 habt gen Himel faren.¹⁶³ S. Petrus sagt: „Jhesus Christus mus den Himel
 einnehmen bis auff die zeit, da alles herwider gebracht werde.“¹⁶⁴ S. Paulus
 sagt: „Vnser Bürgerschaft ist im Himel, aus welchem wir auch den Heiland
 5 gewarten, den Herrn Jhesum Christum“,¹⁶⁵ vnd an einem andern ort: „Er ist
 hinauffgefahren vber alle Himel.“¹⁶⁶ Die Epistel zu den Ebreern spricht: „Wir
 haben einen solchen Hohenpriester, der durch die Himel gefaren ist“,¹⁶⁷ vnd
 abermals: „Der vber die Himel erhöhet ist.“¹⁶⁸ Der Herr Christus sagt selbst:
 „Jr werdet mich nicht allezeit bey euch haben“,¹⁶⁹ item: „Jch verlasse die
 10 Welt.“¹⁷⁰
- Solche vnd dergleichen viel vnd manigfaltige Sprüche von der Auffart
 Christi dörffen nicht mehr denn fleissiges ansehens vnd Christlichen nach-
 denckens, so wird ein Gottselig hertz, das sich erinnert, das in den Artickeln
 des Glaubens nicht frembde deutungen zu suchen sind, gewislich vnd war-
 15 hafftig schliessen können, das Christi Leib von der Erden hinauff in den
 Himel leiblich vnd sichtbarlich genomen sey, da er auch in der Glori vnd
 Herrligkeit sein eigenschafft, form vnd [37v:] gestalt des waren Leibs behelt
 vnd am Jüngsten tag in den Wolcken des Himels mit krafft vnd grosser herr-
 ligkeit zum Gericht leiblich vnd sichtbarlich wird widerkomen. Bey solchem
 20 richtigem verstand bleiben wir vngezweiuelt, das dis die Göttliche warheit
 sey, welche auch vmb deswillen alle Gottselige Christen jnen aus den hert-
 zen nicht reissen lassen sollen, dieweil vnserer fůrnembster trost einer ist,
 dauon S. Paulus sagt Ephe. 2: „Gott, der da reich ist von barmhertzigkeit
 durch seine grosse liebe, damit er vns geliebet hat, da wir tod waren in Sün-
 25 den, hat er vns sampt Christo lebendig gemacht vnd hat vns sampt jm auff-
 weckt vnd ^ksampt jm in das Himlische Wesen gesetzt in Christo Jhesu,^k auff
 das er erzeigete in den zukünftigen zeiten den vberschwenglichen Reich-
 thumb seiner gnade durch seine gůte vber vns in Christo Jhesu.“¹⁷¹
- Hiemit leret S. Paulus, wie gleubige Christen sich beides, der Aufferstehung
 30 vnd Himelfart Christi, zu jrem trost neben vielen andern auch also brauchen
 sollen, das sie wissen, sie sind mit Christo aufferweckt vnd mit jm allbereit
 in den Himel versetzt. Wie geschiet aber dieses? One zweiuelt, weil wir teil-
 hafftig sein der Natur seines Fleisches, wie Theodoretus hieupon sehr fein Theodor. Dial. 2.

j-j Ephes. 4: A, B.

k-k Im Druck durch größere Type hervorgehoben.

¹⁶³ Act 1,9–11.

¹⁶⁴ Act 3,21.

¹⁶⁵ Phil 3,20.

¹⁶⁶ Eph 4,10.

¹⁶⁷ Hebr 4,14.

¹⁶⁸ Hebr 7,26.

¹⁶⁹ Joh 12,8.

¹⁷⁰ Joh 16,28.

¹⁷¹ Eph 2,4–7.